

vor der Beschneidung/vor den Banden/vor den Geißeln vnd Wunden/
vor dem Blutvergiessen/vor dem Todt vnd Sterben Gott thätlich stehet/
vnd der ewige Sohn Gottes alles vns zu gut gethan vnd gelitten/sagen
wir mit aller Frewdigkeit: Es ist denn alles dieses ein Göttliches Thun
vnd Leiden/voll Göttlicher/heilsamer Krafft/wie solte nicht dardurch alle
Sünde abgetilget/wie solte nicht Gott gnugsam versöhnet/wie solte
nicht der Satan vnd sein ganzes höllisches Reich überwunden/wie sol-
ten nicht alle Bande vnd Ketten/darinnen wir gefangen gelegen/zer-
rissen/wie solte nicht der Todt verschlungen/wie solte nicht das Leben
vnd die Gerechtigkeit widergebracht seyn: hie **W** **H** Gott vnd gnug: ja
gnug Hülff/Heil/Arznei/Trost/Schutz/Erlösung/Bezahlung/Gerech-
tigkeit/Segen vnd Leben immer vnd Ewiglich.

Er/ vnser getreuer Heyland Jesus Christus/vnser himlischer Arzt
vnd Arznei/wolle vns in seiner Erkandnuß durch seinen Heiligen Geist
stärcken vnd bevestigen/das wir mit Glauben an Ihm steiff bleiben/vns
seiner in aller Anfechtung trösten/vnd der Krafft seiner Arznei zu vnserm
zeitlichen vnd ewigem Heil theilhaftig werden mögen/Amen.



Die vier vnd dreissigste Predige.

Von der Göttlichen Hand / welche die Gewissens-
sur schencket vnd darreichet.



Liebte in Christo: Es stellet der weise
Lehrer Sirach in dem 38. Capitul seines Zuchtbüchleins
der leiblichen vnd äußerlichen medicin oder Arznei
ein sehr herrlich vnd außführlich elogium vnd Lobspruch/
bringet vnterschiedene argumenta auß die Daan / mit
welchen er darthut / das sie hoch zu æstimiren / thewer vnd werth zuhal-
ten sey: Beweiset *à natura & forma*, auß der art vnd beschaffenheit/ in
dem er sie zu zweyenmalen nennet *ἡγεμονία*, eine Wissenschaft / oder/
wie es Lutherus gegeben hat / eine Kunst / da man nicht eine gemeine
Kunst die vnter den Künsten zulezt vnd hindenanstehe / sondern die aller-
edelste vnd vortrefflichste Kunst verstehen muß.

Exordium
Sir. 38, 3.
ubi medi-
cina co-
piosè lau-
datur, de-
sumtis ar-
gumentis
ab
I.
Eius natu-
râ & formâ,
Est enim
scientia &
ars

Es hat